

Est. A
23 273
14055123

49132.

1. 39.

Deo Opt: Max: Annente

DISPUTATIO PRIOR

DE PRÆDESTINATIONE
FILIORVM DEI AD SALVTEM ET
VITAM ÆTERNAM CONTINENS SYNOPSIS IN
SUMMAM TOTIUS ISTIUS CONTROVERSIÆ,
QUÆ NOBIS CUM GENTE CALVI-
NIANA INTERCEDIT.

Præside

M. HERMANNO SAMSONIO

Superintendente, Pastore ESS, Theol.

Professore.

Respondente

J OHANN E Bonnighausen

Riga Livono.

Habebitur publice in Gymnasio Rigeni

21. Martij hora 8, & seqq. Anno 1619.

Rigz, Typis SCHRÖDERIANIS.

Magnissimis, nobilissimo, Consultissimo &
Prudentissimo Viro

Dn. NICOLA O Barneken / Regiae Majestatis
Sueciæ Praefecto Portorij, Consuli Rigens: meritissimo, &
Prætori superiori terrestris judicij, Evergetæ
suo plurimum colendo.

Admodum Reverendo, Cl^a D^r Doctissimo
Dn. M. JOHANNI GR.^a, Pastori templi
Cathedralis Vigilantissimo, patrono suo amantissimo.
Ut & Nobiliss: Amplissimis, Consultissimis, Eruditione
rerumq; experientia præclarissimis Viris

Dn. LAURENTIO ZIMMERMANNO
Senatori & Oecono^mo, patrueli suo plurimum honorando.
Dn. ANDREÆ KOYEN hæreditario in Testen
Syndico prudentissimo, fautori & promotori
perpetim venerando.

Dn. HERMANNO MEINERS Prætori infe-
rioris judicij, patrono & affini suo omni observantia
cultu prosequendo.

Reverendo, Clari^simo, Doctissimo
Dn. M. MATTHIÆ RELANDO Pastori tem-
pli D. Georgij dignissimo, fautori & amico suo ob-
servantissimo.

Consecrat D.

Respondens.

De prædestinatione contra
Calvinianos.

Ractatio articuli de prædestinatione non de-
Pebet videretur temeraria, quia Christus & Apostoli sæpe
numero exactè atq; ex professo illam suis auditori-
bus proposuerunt: adeò ut si unicum justificationis
articulum excipias, vix locus ullus alius Theologicus dari pos-
sit, quem accuratius scripturis N. Test: Spiritus Sanctus expli-
catum dederit. Matth. 24. v. 22. & 31. Marc. 13. v. 20. 22. 27.
Luc. 18. v. 7. Joh. 13. v. 18. cap. 15. v. 16. Rom. 8. v. 30. & ca-
pitibus 9. 10. 11. ferme integris. 1. Cor. 1. v. 27. 28. Eph. 1. v. 4.
Coloss. 3. v. 12. 2. Thess. 2. v. 13. 2. Tim. 1. v. 9. 2. Tim. 2. v. 10.
Tit. 1. v. 3. 1. Pet. 1. v. 2. Apoc. 7. v. 14.

2. Quemadmodum ergo èa, quæ Deus occulta esse vo-
luit, non sunt scrutanda: ita quæ manifesta fecit, non sunt ne-
gligenda, aut dissimulanda: ne in illis illicite curiosi, in istis
vero damnabiliter inveniamur ingredi, ut jam olim rectè pro-
nunciarunt, Ambros; lib: 1. de vocat: gent: cap. 7. & Dama-
scenus lib. 1. Orthod: fid: cap. 2.

3. Porro nec utilis hæc tractatio videri potest, quia ex
prædestinatione efficacissimum consolationis remedium in
quibusvis tribulationibus ad nos promanat. Matth. 11. v. 17.
Joh. 10. v. 28. 29. Consule Rom. 8. Ephes. 1.

4. Prædestinationis vero doctrina non ex lege, sed Ev-
angelio est haurienda. Rom. 16. v. 25. Ephes. 1. v. 9. cap. 3. v. 9.
Coloss. 1. v. 25. 1. Tim. 1. v. 10. Doctrina ergo Evangelij in-
fallibilis nostra cynosura est in hoc articulo.

5. Antequam igitur ad rem ipsam progrediamur, præ-
mittenda est vocabulorum quorundam in hoc articulo neces-
siorum propria affectio & mutua differentia.

6. **Scientia DEi** vel est simplex & sola noticia, vel noticia cum approbatione. Illa est rerum indefinite omnium, tam bonarum quam malarum. Hæc tantum rerum bonarum, quas Deus vult, efficit, approbat.

7. Scientia DEi nullam rebus præfatis afferit necessitatem, ac proinde nullorum eventuum sive bonorum sive malorum causa propriè dici potest. Quibus in faciem contradicit Beza Resp: 2. ad acta Coll. Mompel. p. 152. & seqq.

8. **Præscientia** vox saepe generaliter, saepe etiam restricte sumitur. Generaliter Job 28. v. 24. Ipse fines mundi intuetur, & omnia, quæ sub caelo sunt, respicit. Restricte Rom. 8. 30. Quos præscivit, hos prædestinavit. 1. Pet. 1. v. 2. Sic præscientia pertinet tantum ad bonos non ad malos.

9. Unde duplex resultat discrimen inter præscientiam & prædestinationem. 1. Præscientia illa generalis simplicem omnium rerum noticiam denotat, non causam: Prædestination vero simul est causa salutis electorum Ephes. 1. v. 5. 2. Præscientia simul ad malos & bonos se extendit, 2. Reg. 19. v. 27. Exod. 3. v. 19. Esa. 57. v. 28. Eccles. 23. v. 28. Heb. 4. v. 13. Prædestination v. tantum pertinet ad filios DEi.

10. **Providentia** DEi aquæ ac præscientia DEi latissime se extendit, nempe ad omnes creaturas, sed ita, ut præter exactam rerum omnium noticiam superaddat efficacem quoquè curam, dispositionem, & determinationem earundem, diverso tamen respectu: bonas n. ita gubernat, ut eas velit, mandet, perficiat, Joh. 15. v. 5. Sine me nihil potestis facere. Philip. 2. v. 13. Malas v. hominum actiones detestando, puniendo, & ad finem certum dirigendo. Deut. 32. v. 19. Psal. 5. v. 5. Ezech. 18. v. 32. 1. Joh. 2. 16. Prædestination a. tantum ad bonos pertinet.

11. Tertio **Propositum** & **consilium** DEi differunt etiam à Prædestinatione, quia prædestination facta esse dicitur secun-

secundum propositum & consilium DEi: quod quomodo intelligendum sit, post patebit.

12. Usus harum distinctionum amplissimus est, tum contra Calvinianos, tum contra Huberianos, quem disputationis campus ostendet.

13. **Prædestination** & **Electio** sunt synonyma, idem supponunt, & æqualis sunt ambitus ac latitudinis, atq; easdem habent causas, ideoq; indifferenter ab Apostolo usurpantur, ut & à Formula Concordiæ.

14. Calviniani nobis obstrepunt, & differre putant, ut genus & speciem. Prædestination n. ab illis constituitur genus, quod sub se continet duas species, Electionem nempe & Reprobationem. Beza Repons. 2. ad acta Coll. Momp. 2. 17. 218. Grynæus in thesau: clas: 2. loco 5. p. 92. Beza in quæst. & respons. D. Sohnius in art. de prædest. par. 2.

15. A quibus tamen dissentit partim Keckerm. syst. Theol. lib. 3. c. 1. p. 296. partim ipse Calvinus lib. 3. Instit. c. 23. dist. 4. qui unius Electionis duo faciunt decreta, unum ad salutem, alterum ad mortem. Unde in Calvinianorum scholis æquipollentia sunt, Electio ad mortem, prædestination ad damnationem, Reprobatio, Rejectio &c. Utinam v. vel tandem nobis ostenderent Calviniani, quo loco scripturæ legatur prædestinavit sive elegit quosdam ad damnationem?

16. Tandem & hoc queritur, an ἐκλεγμένοι Nominaliter, & ἐκλεγμένοι participialiter ita differant, ut omnes quidem homines sint ἐκλεγμένοι. Participialiter, non v. omnes sint ἐκλεγμένοι Nominaliter, quales illi tantum sunt, qui Electionem Participiale illam sibi per fidem applicant, & evadunt sic ἐκλεγμένοι, quemadmodum Huberus somniat?

17. Rz. 1. Participium ἐκλεγμένοι non reperitur in toto Novo Testamento, qua vel una ratione distinctio hæc in præsenti materia corruit. 2. Spiritus Sanctus discrimen hoe

Grammaticum usq; adeo non attendit, ut potius ~~κατέβεσται~~ no-
minaliter vocatos nominet eos etiam, qui vocationi non ob-
temperant, ut Matth. 22. v. 14. & vice versa ~~κατέβεσται~~ par-
ticipialiter nominet eos, qui vocationi locum relinquunt: ut
Apoc: 19. v. 9. Beati ~~κατέβεστοι~~ vocati ad cænam nuptiarum
agni: & Hebr. 9. v. 15. ut promissionem æternæ hæreditatis
accipiant ~~οἱ κατέβεστοι~~ vocati. 3. Valeat illud discrimen apud
Grammaticos: ad præsentem autem materiam accommoda-
ti non potest.

18. His ita præmissis Electionis vocabulum dupliciter
in scriptura accipitur: 1. *Generatim* secundum proprieta-
tem etymi sui semper segregationem ad certum aliquem fi-
nem, usum, sive officium notat, & cum verbo ἀπορίᾳ segregare convertitur: Deut: 10. 15. & cap. 3. 28. Act. 13. 2.
Joh. 15. v. 19. 2. Sumitur *Speciatum*, pro ipsa ordinatione sive
prædestinatione filiorum DEi ad salutem Eph. 1. 4. Rom. 11. 5.
Ethic specialis significatus hoc loco attendendus est.

19. Hinc Spiritus Sanctus non dubitat ~~μετωνυμίᾳ~~ ἐκ-
28γῆς sive Electionis termino uti pro appellatione τῶν ἔκλεκ-
τῶν Electorum.

20. *Causa Efficiens Principalis & primaria Elec-*
tionis est sola DEi voluntas, seu solus Deus, qui est fons, au-
tor & origo uti omnis boni, sic etiam Electionis nostræ ad sa-
lutem Ephes. 1. 4.

21. *Causa impulsiva seu potius quodammodo invitās*
est extrema humani generis miseria, in qua post lapsum hære-
bat Joh. 3. v. 16. Rom. 5. v. 8. Heb. 2. v. 15.

22. *Causa impulsiva interior est* gratuitus Dei favor
& φιλανθρωπia Rom. 3. v. 24. Tit. 3. v. 4. Dilectio seu chari-
tas Joh. 3. v. 6. Rom. 5. 8. Ephes. 2. 4. 1. Joh. 4. 9. 10. Misericordia Ephes. 2. 4. Tit. 3. 5. 1. Pet. 1. 3. Divina voluntatis bene-
placitum Ephes. 1. 9. 2. Tim. 1. 9.

23. *Causa Efficiens meritoria est meritum Christi.*
Christus est mediator inter DEum & homines, adeoq; Elec-
tionis fundamentum. Inde Apostolus non simpliciter nos
dicit esse electos à DEo, sed medium & fundamentum addens
dicit in Christo, Ephes. 1. v. 4. 6. 9. Per JESum Christum v. 5.
Imò ipse Christus dicitur nos elegisse Joh. 13. 18. Ego scio, in-
quit Christus, quos elegerim. Joh. 15. 16. Non vos me elegistis,
sed ego elegi vos. v. 19. Ego elegi vos de mundo.

24. Quemadmodum etiam scriptura teste justificamur
in Christo, per Christum, & Christus nos justificat, & ipse est
justicia nostra Act. 4. 12. cap. 10. 43. c. 15. 11. Rom. 3. 24. 25.
c. 5. 17. 19. 1. Cor. 1. 30. 2. Cor. 5. 18. 19. Galat. 2. 16. 17.
Jerem: 23. 6.

25. Huc pertinet, quod Christus appellatur liber ille vi-
tae Philip. 4. 3. in quo electorū nomina consignata sunt. Exod.
32. v. 32. vocatur liber DEi quem ipse scripsit Ezech. 13. 9.
Scriptura domus Israel Dan. 12. 1. Liber κατ ζεοχνον Psal. 69.
29. Liber viventium & inscriptio cum justis Apoc. 13. 8. Li-
ber vitæ agni Apoc. 20. 12. 15. Luc. 10. v. 20.

26. *Causa instrumentalis Electionis*, qua gratia
Dei in Christo nos eligentis apprehenditur, est fides. Meritum
n. Christi nobis non prodest, nisi fiat nostrum. Requiritur
igitur ejus apprehensio & applicatio, quæ sit fide 2. Thess. 2. 11.
Joh. 6. 40. c. 3. 15. 2. Tim. 19. 1. Cor. 1. 21. Jacob. 2. 3.

27. *Forma sive differentia specifica electionis est*
ordo, quem Deus in eligendis hominibus observat Act. 13. 48.

28. *Finis respectu Dei est* gratia DEI celebratio
Rom. 8. 30. Ephes. 1. 6. 12. *Respectu hominum* electorum
est in regno gratiae sanctificatio Ephes. 1. 4. In regno gloriae
glorificatio, salutisq; æternæ fruitio. Ideo n. elegit, ut incul-
pati & irreprehensibiles simus, & cum ipso æterna beatitudine
fruamur.

29. Cau-

29. Causas Electionis breviter comprehendit Apostolus 2. Thess. 2. 13. 14. qui locus dignus est diligenti consideratione.

30. Objectum minus proprium est angelus. 1. Tim. 5. 21. Testor coram Deo & Christo IESU & in conspectu electorum angelorum : cuius tamen ab electione hominum alia prorsus & dispar est ratio : ita ut sub unam eandemq; Electionis definitionem utraq; referri nec possit nec debeat.

31. Nam angeli non per naturam aeternam beatitudinem participant: sed per gratiam & consequenter ex praedestinatione. Gratia n. est effectus praedestinationis.

Affectio-
nes Elec-
tio-
nis.

1. Affectio.

2. Affectio.

3. Affectio.

32. Una vero numero est Electionis respectu hominum salvandorum, Tilla quidem ab aeterno facta. Sicut n. spes vocationis, in qua vocati sumus, non est nisi una Ephes. 4. 4. & modus salutis non est nisi unus Act. 15. 11. Ita principium, à quo hæc omnia dependent, non est nisi unum in Deo idq; aeternum, Ephes. 1. 4.

33. Electionis, ut est primum principium nostra salutis, ita est plane immutabilis. Quia principia rerum prima firma esse debent & immota, id a. quod mutabile est, contingens est, ideo principium esse non potest. 2. Tim. 2. 19. Firmum stat fundamentū Dei: Novit Domin⁹, qui sunt sui. Joh. 6. 36. Hæc est voluntas Patris, ut ex ijs, quos dedit mihi, nullum perdam. Joh. 10. 28. Oves meas nemo rapiet ex manu mea.

34. De electione ad salutem non à priori, sed à posteriori judicandum est, tam respectu nostri quam aliorū. Quia judicia Dei sunt abyssus multa Psal. 36. 7. De quibus verè exclamat D. Apostolus Rom. 11. 33. O altitudo divitiarum scientiæ & scientiæ Dei! quām incomprehensibilia sunt judicia ejus, & impervestigabiles viæ ejus! Quis n. cognovit sensum Domini?

35. Neq;

35. Neq; negamus, multa occurrere in capite de praedestinatione ardua & difficilia, præsertim quando ad individua hominum descendendum est.

36. Sed nemo tamen rectè inferet, voluntatem DEi & decretum de nostra salute esse simpliciter absconditum & occultum: quippe quod in Evangelio suo Deus nobis revelavit: quod proinde ab Apostolo vocatur revelatio mysterij temporibus aeternis taciti Rom. 16. 25. 1. Cor. 2. 7.

37. Quare voluntas DEi in Evangelio nobis proposita vocatur abscondita scil: rationi humanæ, adeoq; omnibus creaturis 1. Cor. 2. 8. quam nemo principum hujus seculi cognovit. Eadem a. vocatur revelata seu manifestata, nempe per Christum in Evangelio Joh. 1. 18 Matth. 11. 25. Abscondisti hæc, inquit Christus ad Patrem suum, à sapientibus & prudentibus, & revelasti ea parvulis.

38. Graviter ergo contra hanc affectionem hallucinantur Calviniani, qui decretum electionis extollunt supra omnia decreta, & faciunt primum, summum & absolutum. Vide Bezan in cap: 9. ad Rom: v. 14. & 18. Et in colloquio Mompelg:

39. Quem cum suis complicibus sic breviter refuto. Causarum ordinem non licet nobis pro nostro libitu dispone-re, sed quemadmodum ille in scriptura revelatus est, ita eum tradi & teneri oportet. Jam v. nullum de homine quidem antiquius decretum legimus, quam consultum illud de creatione: Faciamus hominem ad similitudinem nostram. Proxi-mum inde DEi consilium est legale: De omni arbore comedes, præterquam de arbore scientiæ boni & mali. Quocunq; n. die &c. Tertius gradus consiliorum DEi est, quo totum genus humanum propter peccatum aeternæ morti & damnationi adjudicatur: Pulvis es, & in pulverem reverteris. Hinc demum consequitur Evangelicum decretum de semine mulieris contrituro caput serpentis.

40. Hæc series ad oculum ostendit, quam perversa sit

B

Calvi-

Calvinianorum sententia, qui decretum prædestinationis in fastigio & apice collocant, & in duos quasi modos absolutum illud decretum dispescunt: quorum prior est de certis personis ex absoluto odio damnandis: alter de certis ex absoluto amore salvandis: eiq; decreto creationem postmodum & corruptionem hominum subjungunt: creationem itidem ex immutabili illo decreto de alijs servandis, alijs damnandis æstimant: salvandis addunt vocationem efficacem, damnandis inefficacem. Quæ tamen omnia causarum ordine præcedunt electionem, non ex electione oriuntur & resultant. Itaq; hoc *υτεγον πρόπερον* totam scripturam evertit, & cælum terræ miscet.

41. Stat igitur hoc quovis adamante solidius, decretum prædestinationis in ordine causarū apud Deum non esse primū & summum, nec omnes causas in ipso apud DEum ordine causarum antecedere, sed substernere primum creationem hominis, deinde ejusdem lapsum & miseriam, tertio Christi meritum, & deniq; fidem in Christum. Hæc n. DEus intuetur in prædestinando & eligendo homine ad vitam æternam.

4. Affilio,

42. *Aliqui homines ad salutem electi sunt ijq; pauci, si conferantur cum turba incredulorum:* ita tamen, ut numerus iste nec minui possit, nec augeri: non quidem respectu alicujus absoluti decreti, & fatalis necessitatis, sed tantum ratione omniscienciarum divinarum.

43. Si n. plures futuri fuissent vel pauciores in numero sive electorum sive damnatorum: DEus utiq; illud ipsum quoque ab æterno cognitum perspectumq; habuisset.

44. Potuissent vero plures credere in Christum: siquidem absolute à fidei perceptione non fuissent prohibiti. Hæc potentia si in actum transferretur, hoc est, si plures, quam credunt & salvantur, credituri & salvandi essent, hoc ipsum & non aliud prævidisset DEus: & sic numerus ille ipse vel auctus vel minutus DEo infallibiliter cognitus fuisset.

45. Sic

45. Sic est numerus ille comparatus, qui jam salvi & beati sunt, damnari aliquando potuerunt, id quod suo exemplo Apostolus innuit 1. Cor. 9, 27. In servitatem redigo corpus meum, ne forte cum alijs prædicaverim ipse reprob' fiam. Quod si factum fuisset, nunquam isti dici potuissent electi, quia perseverantia in fide caruissent. Vice versa, qui jam in numero damnatorum sunt, salvari itidem potuissent: quia nullo fatali aut absolute decreto è numero Electorum sunt exclusi, si modo acta pænitentia in Christum credidissent.

46. *Exquisitissima est conformitas inter propositum 5. Affilio. DEi sive decretum aeternum & ejus executionem.*

Joh. 6. v. 40. Hæc est voluntas ejus, qui misit me, ut omnis, qui vidit Filium, & credit in eum, habeat vitam æternā. Joh. 3. v. 16. Sic DEus dilexit mundum &c.

47. Tria hoc loco decreta revelantur. 1. DEus dilexit mundum & misertus est generis humani. 2. DEus decrevit mundo dare Filium, ut per ipsum salvetur. 3. DEus decrevit, ut qui in Filium missum in mundum & per Evangelium annunciatum credunt, salventur, qui non credunt, damnentur.

48. Unde scitè dictum est à Gregorio 28. Moral. c. 9. *Quod foris in rebus geritur, antea intus per prædestinationem factum est.*

49. Ruit igitur iterum magno impetu totum dogma Calvinianorum de absolute Dei proposito sive decreto, & arcana atq; abscondita DEi voluntate omnes alias causas antegrediente, de paucis quibusdam hominibus æternæ saluti, reliquis v. omnibus æternæ damnationi simpliciter & præcisè destinandis.

50. Certè D. Paulus copulat & connectit DEi propositum & gratiam in Christo IESU ab æterno nobis datam, & per ipsum nobis in Evangelio manifestatam 2. Tim. 1, 9, 10. Ex quo loco tales formo syllogismum.

B 2

51. Quod

51. Quod DEi propositum & quæ gratia nobis per Christum est manifestata in Evangelio, idem etiam propositum est æternum, & eadem hæc gratia nobis data in Christo IESU ante tempora secularia. Atqui voluntas Dei & consiliū de audiendo à nobis Christo, & per auditum & meditatum Evangelium accendenda in nobis fide per Christum & de remissione peccatorum per eam obtainenda, est propositum illud Dei & gratia nobis per Christum manifestata in Evangelio: id quod constat ex perpetua Evangelij voce: Hunc audite Matth. 17. Fides est ex auditu Rom. 10. Omnis qui credit in Christum habebit vitam æternam Joh. 3. &c. Ergo voluntas Dei & consilium de audiendo à nobis Christo, & per auditum & meditatum Evangelium accendenda in nobis fide in Christum, & de remissione peccatorum per eam obtainenda est propositum illud Dei æternum, & eadem hæc gratia nobis data in Christo IESU ante tempora secularia. Et per consequens: Dei propositum sive decretum de nostra salute ex Evangelio discendum & cognoscendum est.

Discursus
de volun-
tate Dei.

52. Cæterum quia primaria prædestinationis causa est misericors Dei voluntas, quæ est radix & fundamentum totius prædestinationis nostræ, sic attestante ipso quoq; Apostolo Rom. 9. 18. Cujus vult miseretur, quem vult indurat, ideo accuratè dispiciendum fuerit, quomodo in præsenti mysterio se habeat hæc voluntas Dei?

53. Voluntas Dei in hoc mysterio non consideratur per simplicissimam essentiam, quæ ab ipsa Dei essentia non nisi secundum nostrum intellectum distinguitur, & menti nostræ ad eam non patet accessus: sed ratione actus quoad res creatas extra suam essentiam Deus egreditur.

54. Priore illo considerationis modo & respectu, voluntas in Deo haud magis est dividua, atq; ipsa Dei essentia in plures dividiri nequit. Et sicut misericordia Dei, qua Deus erga salutem nostram afficitur, numero una ac simplicissima est: sic

volun-

Voluntas etiam Dei, qua salutem generis humani vult, non potest esse nisi una...

55. Posteriore v. considerationis respectu, quatenus videlicet voluntas Dei extra essentiam ad creaturas egreditur, bifariam se habet.

56. Quicquid n. in rebus creatis fieri vult DEUS, id vel simpliciter vult, vel cum certo modo ac conditione. Prior illa voluntas *absoluta* dicitur, estq; ea cum immutabili eventus necessitate conjuncta: qua, quæ non sunt, vocat, ut sint Rom. 4. 17. & omnia, quæ cunq; vult, facit in cælo & in terra Psal. 115. 3. Psal. 135. 6. De qua voluntate Apostolus Rom. 9. 19. Voluntati ejus quis resistet? Hujus voluntatis ratio ex sola Dei omnipotencia petitur..

57. Posterior voluntas ea est, quæ non aliter impletur, nisi cum modus præfixus, vel conditio ipsa impletur; quæ non impleta fit etiam, ut non eveniat, quod Deus tamen maximè factum voluit.

58. Prior illa ab hoc mysterio penitus secludenda, & ad Stoicorum ac Calvinianorum scholas releganda, qui extra verbum DEI revelatum ἀεὶ βαθὺν absolute voluntatem Dei de salute hominum communiscuntur, ac exinde fatales tum electorum tum reproborum tabulas conficiunt, cum immutabili eventus necessitate conjunctas.

59. Posterior v. hæc, nempe modificata sive determinata voluntas Dei, præsentis mysterij actum ingreditur..

60. Sic a. David Pareus primarius olim Profess. Heidelbergensis disputatione de Prædestinatione typis Lanceloti excusa anno 1603. thesi 10. Est a. (Prædestination) actus pri-
mus, decretum scilicet ex absolute voluntatis beneplaci-
to in gratuita ejus dilectione & misericordia fundato,
nullo habito respectu fidei vel operum, voluntatis deniq;
bona vel mala in creatura. Luc. 12. 32. Ephes. 1. 11. Jac. 1.

¶. 18. Rom. 11. 8. Ephes. 2. 4. 8. Thesi 11. *Nec injuriam cui- quam facit Deus, si aliquibus misericordiam non im- pendat* Matth. 10. 13. thesi 12. *Non n. affringitar ullo jure, aut tenetur ex debito cuiusquam misereri, sed salu- tis ē mortis arbitrium ē quidem liberrimum exercet in omnes creaturas.* Rom. 9. 20. c. 11. 35. Eccles. 33, 13. Rom. 9. 18.

61. Ex his satis elucescit, quomodo Calviniani absolutam quampiam voluntatem Dei de salute nostra fingant: nos v. ordinatam tuemur...

62. Distinguitur a, hæc ordinata sive conditionata Dei voluntas à veteribus & recentioribus Theologis in *Antece- dentem & Consequentem*, vel ut alij loquuntur, & eodem recidit, in *Generalem & Specialem*: non quod voluntas Dei per essentiam gemina sit, & quasi composita, sed quod in verbo suo sic se Deus revelavit, ut non modò quo favore erga genus humanum ducatur, ostenderet: sed etiam quid specia- timac peculiariter de ijs decreverit, qui proposito ipsius gene- rali sive universalí sese vel attemperant, vel opponunt, expli- cārit.

63. Distinctionem hanc proponit Chrysostomus serm: 1. ad Ephes: & ex eo repetit Theophylactus ibidem, & Damascenus lib. 2. de Orthod: fide c. 19. Ambrosius in cap. 1. Ephes, super illa verba: secundum propositum voluntatis suæ. Au- gustin: de spir: & lit: c. 33. & apud Lyram ad Rom: 9.

Ante-
dens DEi
voluntas,

64. Antecedens Voluntas nascitur ex sola bonitate & misericordia DEi, ideo sic dicta, quia antecedit aliam omnem considerationem & respectum non in homine tantum, sed in ipso etiam Deo. Secundum hanc ergo voluntatem Deus sola misericordia motus, vult omnes omnino homines salvos: o- mnibus hominibus ex æquo mittit Filium: omnes per eun- dem

dem redemit: omnes ad regnum Filij sui per verbum vocat.

65. Consequens voluntas ea est, quæ provenit non ex Consequē- sola misericordia Dei, sed ex consideratione destinati medijs, voluntas: qua secundum exigentiam ordinis vita credentibus, damnatio incredulis destinata fuit.

66. Ipse Christus distinctionem hanc duabus parabolis de nuptijs regijs & cæna magna Matth. 22. Luc. 14. ita perspi- cuè & evidenter illustrat, & confirmat. Rex enim ille, qui est Deus Pater cælestis, cænam magnam instruit, & nuptias parat Filio, vult, invitat, mandat, ut omnes veniant, quia omnia sunt parata. Enī tibi Antecedentem Dei voluntatem, nihil aliud præter misericordiæ abyssum spirantem!

67. Jam v. cum hanc misericordem DEi voluntatem maxima pars hominum ludibrio habuerit, atq; contempserit: Vult idem Rex (voluntate consequente) non omnes, sed illos tantum gustare cænam illam, qui invitationi loco relieto comparuerunt: de reliquis vero (eadem voluntate Consequente) hanc profert sententiam: *Dico vobis, quod nemo virorum istorum, qui invitati fuerunt, gustabunt cænam meam: imo justo indignationis furore accensus emisso exercitu perdidit illos, & civitatem illorum igni exussit.*

68. Qui plura desiderat exempla, consulat D. Meisneri amici mei olim summi Philosophiam sobriam part. 1. f. 1185. & seqq:

69. Tria a, sive membra sive partes voluntatis Ante- dentis: 1. Immensa Dei misericordia, qua neminem in consi- lio de salute nostra æterna præteriit. 2. Meritum Christi, quo pro omnium indifferenter hominum peccatis satisfactio est præstata. 3. Vocatio universalis omnium ad regnum Christi. Tres partes voluntatis Ante- dentis.

70. *Gratia DEi universalis* elucescit tum ex crea- tione, qua Deus omnes homines ad imaginem suam, cum qua vita æterna connexa fuit, condidit: tum ex miseratione erga lapsum genus humanum, quod ab interitu liberare voluit.

Ezech.

Ezech. 18. v. 23. 32. c. 33. 11. Joh. 3, 16. Rom. 8, 12. Ephes. 1. 9. 10. c. 2. 4. Coloss. 1. v. 19. 20. 1. Tim. 2, 4. 2. Pet. 3. 9.

71. *Meritum Christi* indifferenter pro omnibus omnino hominibus praestitum esse, evincunt sequentia scripturarum oracula: Esa. 53, 6. Johan. 1, 29. Joh. 3, 17. Joh. 12, 47. Rom. 5, 18. Matth. 18, 11. Luc. 19, 20. 1. Joh. 2. v. 1, 2. Imo Christus dicitur mortuus etiam pro ijs, qui perduntur. Rom. 14, 16. 1. Cor. 8, 11. Mercatus est eos, qui ipsum abnegant.

Vbi jam manet, Beza, intollerabilis tua vox part. 2. respons. ad act. Coll. Momp. p. 215. 2. Pet. 2, 1. Heb. 6, 6. c. 10, 30. legitur, per Christi sanguinem sanctificatos, qui tamen eum ceurem prophanā habuerint &c.

72. Impia igitur & detestanda vox est Theodori Bezae resp: 2. ad Colloq: Mompel. pag. 221. Iterum dico, inquit, *& coram tota Dei Ecclesia profiteor, falsum, blasphemum, impium esse, dicere, Christum sive quod ad Dei consilium attinet, sive quod ad effectum, non minus pro damnandorum, & aeterno judicio adjudicandorum peccatis passum, crucifixum, mortuum esse, & satisfecisse, quam pro peccatis Petri, Pauli, & omnium sanctorum.* Hæc Beza.

73. Tres hoc loco Calviniani habent exceptiones: 1. per Mundum vocabulum intelligunt solos ex mundo electos. 2. Ludent in termino Omnes, per quem intelligunt genera singulorum, non singula generum. 3. Christum satisfecisse pro omnium hominum peccatis sufficienter, sed non efficienter. Sed de his exceptionibus videbimus in ipsa disputatione.

74. Tertiū membrum voluntatis Antecedentis in Deo est *universalis vocatio*. Christus enim Evangelium suum vult annunciarí toti mundo, & omnes vocat ad regnum suum. Matth. 28, 19. Marc. 16, 15. Act. 17, 30. Rom. 10, 18. Col. 16. Et in hac voluntate sua Deus tantam constantiam exhibet, ut ne quidem impijs & obstinatis verbum suum offerre digne-

tur.

tur. Esa. 65, 2. Tota die expandi manus meas ad populum incredulum. Et v. 12. Vocavi & non respondistis, extendi manum meam, & non fuit, qui aspiceret. Prov. 1, 24. Vocavi, & renuisti, extendi manum meam, & non fuit, qui aspiceret. Matth. 23, 37. Quoties volui congregare te, sicut gallina pullos suos, & noluisti.

75. Sequuntur jam qualitates sive conditiones & attributa voluntatis antecedentis in Deo, ac prima quidem est hæc:

Voluntas hæc Dei non occulta non abscondita, sed in scripturis revelata, aperta & manifesta est. Rom: 16. 25. Ephes. 19. Collof. 1. 20. 2. Tim. 19. 10. DEum nemo vidit unquam, Filius Dei enarravit nobis Johan. 3, 18. Cujus enarrationis summa hæc est: Hæc est voluntas ejus, qui misit me, ut omnis, qui vidit Filium, & credit in eum, habeat vitam æternam. Joh. 6, 40. Hanc summam Paulus prædicavit Ephesijs Act: 20. 27.

76. Secundum attributum est tale: *Vna est in Deo de salvando genere humano voluntas non gemina*. Nam præter hanc revelatam dari alia diversa atq; arcana in Deo voluntas de salvandis hominibus plane nulla potest. Absurdum igitur est, duas in Deo contrarias voluntates statuere: vel uni numero voluntati, quod contraria velit, tribuere.

77. Tertium attributum est: *Illa voluntas non est ficta aut simulata, sed maximè seria*. Serio n. vult Deus hominū salutem Ezech. 33, 11. c. 18, 32. 1. Tim. 2, 4. 2. Pet. 3, 9. Patet item hoc ex signis iræ, indignationis, doloris, lachrymarum, quibus humanam duriciem prosecutus est Deus. Jerm. 8, 2. 1. Luc. 19, 21. Matth. 22, 8..

78. Quartum attributum est: *Hæc voluntas non est alternata*, vel respectu credentium & incredentium discreta contrarijs decretis; sed simplex est, indistincta, ac proinde universalis, imo universalissimè universalis.

idu. 13

C

79. Quin-

Attributa
voluntatis.
Antece-
dentis.

i.

2.

3.

4.

5. 79. Quintum & postremum attributum est: *Voluntas
hac non est absoluta, aut plane indeterminata, sive illi-
mitata, sed ordinata*, hoc est, in Christo IESU fundata, &
mediorum τάξεων circumscripta. Christus n. est fundamentum
& regula hujus voluntatis, sine cuius respectu Deus neminem
salvare constituit.

80. Christum v. cum dicimus, non meritum tantum
ipsius & λύτρου pro peccatis mundi universale intelligimus: sed
fidem etiam ipsam, qua apprehenditur Christi meritum, in-
cludimus. Sine fide n. Christus nobis plane ociosus atq; inu-
tilis est.

81. Sicut ergo secundum hanc voluntatem Deus totum
genus humanum salvari voluit: ita quoq; voluit ab eodem u-
niverso genere hominum, credi in Christum, & ad agnitionem
veritatis pervenire. Et sicut falsum est, quod Deus velit omnes
homines salvos, sive ad agnitionem veritatis perveniant, sive
non: ita quoq; erroneum est, docere, Deum velle omnes ho-
mines salvos, sive credant in Christum, sive non credant.

82. Fides itaq; pertinet ad ipsam integritatem τάξεως si-
ve ordinis. Neq; inde quicquam decedit universalitati in an-
tecedente voluntate: sed ad mediorum duntaxat τάξιν illa
ipsa universalitas accommodatur, quā DEO placuit quidem
salvare totum genus humanum, sed non ἀπό των salvare, ve-
rum certo mediorum ordine ac respectu. Quæ omnia contra
Huberum diligenter notanda sunt.

83. Sequitur voluntas Dei Consequens, quæ etsi cum
voluntate Antecedente ejusdem est aeternitatis: tamen non
in sola Dei mente vertitur, sed ad homines etiam aliquem re-
spectum habet, & ratione ordinis antecedente est posterior.

84. Considerat n. Consequens hac voluntas, non quid
ab hominibus fieri & possit & debeat: Sed quid actu ipso fiat,
hoc est, quinam ipso actu & quidem perseveranter in Christum
sunt credituri, qui non.

85. Ubi mox ultrò emergit διαιρέσις decretorum in di-
vinahac voluntate consequente, quæ se habent plane ἀντίστρο-
πεια: unum prædestinationis sive electionis ad vitam: alte-
rum judicij & reprobationis ad condemnationem: neutrum
absolutum, sed utrumq; ordinatum. Illud quidem determi-
natum ad prævisani fidem perseverantem: hoc vero propter
contemptum atq; repudiationem oblatæ gratiæ.

86. Electionis ergo decretum est tale: Vivo ego Deus,
volo & decerno, ut omnis qui credit in Christum, inq; fide hac
ad finem vitæ perseverat, non pereat, sed habeat vitam aeternam.
Joh. 3. 16. Matth. 10. 22. Johan. 6. 40. 1. Cor. 1. 21. Marc. 1. 16.
Joh. 5. 18.

87. Reprobationis aeternum decretum tale est: Vivo ego
DEUS, volo & decerno, ut qui in Christum non credit, sed
in infidelitate ad finem usq; perseverat, condemnetur: imo
jam modò hic ab aeterno damnationi sit adductus. Joh. 3. 18.
Marc. 16. 16. Deut. 18. 19.

88. Differt ergo 1. Voluntas Consequens ab Antecedente Differentie
1. determinatione objecti. Antecedens n. Voluntas totum
genus humanum simpliciter complectitur, offerens illi salutis
media. Consequens voluntas conditionem & discriminem ho-
minum respicit, quatenus nimis umili consilio Dei universali
se se attemperant, vel per contumaciam id spernunt.

89. 2. Χίλια oppositionis. Nam antecedens voluntas
nullum habet decretum oppositum reprobationis. Conse-
quens v. duobus diversis & αντίστροπεια oppositis salvationis
& damnationis decretis est distincta.

90. 3. Species actus. Antecedens n. voluntas miseriam
hominum respiciendo ad restorationem faciendam salutis
media efficaciter disponit ac ordinat. Consequens a, volun-
tas credentes saluti destinat, non credentes damnationi man-
cipat.

91. Tandem 4. consideratione fidi. Nam in antece-
dente

dente voluntate fides attenditur tanquam pars ordinis; quem Deus observatum cupit. In voluntate consequente eadem attenditur, quatenus ordo iste actu ipso vel observatur credendo, vel non observatur non credendo.

92. His ita expeditis aliquot ποιηματα sequuntur notatu dignissima. 1. *Voluntas Consequens Antecedenti non contrariatur, sed ὑπαλλέλως substituitur*, quod quomodo intelligendum sit, in ipsa disputatione ob oculos statuetur...

93. 2. *Ex voluntate Consequente Electio salvandorum peti ac definiri debet.* Prædestinatio n. ordinem salutis non ex parte; sed ex toto, ac per consequens ipsum actu fidei implicat. Quod iterum contra Huberum accuratè note-
tue...

94. 3. *Electio non est absoluta, sed ordinata, & ratione Christi ac fidei perseverantibus determinata.* In Christo n. sumus electi Ephes. 1, 4, 5. 2. Tim. 1, 9. Et quia Christus oculos est sine fide, ideo de fide notentur sequentia dicta. Ephes. 1, 12, 13. 2. Thess. 2, 13. Tit. 1, 1. Jacob. 2, 5. Johan. 6, 40. 1. Cor. 1, 12.

95. Disertè v. protestamur contra Calvinianos, nos non propter prævisam fidem, ejusq; meritum & dignitatem, sed in vera fide & per veram fidem electos esse. Sicut n. non propter, sed per fidem justificamur: ita etiam per fidem eligimur. Decretum n. ipsum cū executione decreti non debet discordare.

96. Itaq; fides hoc loco attenditur ut causa organica, non ut efficiens aut meritoria; neq; absurdum putamus esse, si dicatur fides causa electionis.

97. Objiciunt adversarij palmarium hoc argumentum: Fides est consequens & effectum electionis. Ergo non potest dici causa electionis. Digna est hæc objectio, ut in actu disputationis accuratè discutiatur. Quod n. pueri in faba, ut dicitur, se reperiisse putant: id adversarij in hoc argumento,

98. Hæc

98. Hæc fides in Electione spectata includit perseverantiam. Non n. nisi perseveranter credentes dicuntur electi ad vitam æternam, cuius assertionis fundamenta extant Matth. 24, 13. Marc. 13, 13. Luc. 8, 15. c. 21, 19. 1. Tim. 1, 19. Apoc. 2, 30. Omnis igitur electus finaliter in fide perseverat: Et omnis finaliter in fide perseverans est electus.

99. 4. *Electio non est universalis, sed particularis:* loquimur vero de electione propriè sit dicta, Matth. 20, 16. c. 22. 14. Multi sunt vocati, pauci v. electi. Huic refer catenam Apostolicam Rom. 8, 30. & res solari luce erit clarior. Plura argumenta lubens prætermitto.

100. Atq; hæc Electionis particularitas neq; universalitati gratiæ Dei, neq; Christi merito universalissimo quicquam detrahit: quippe organo fidei ista omnia determinantur...

101. Hisce omnibus ritè confectis talem proponimus Prædestinationis definitionem. *Prædestinatione sive Electio est DEi actio, qua ante jacta mundi fundamenta non secundum opera, sed ex misericordia sua gratia & misericordia in Christo juxta propositum & prænotionem ad vitam æternam ordinavit homines, virtute Spiritus Sancti per Evangelij prædicationem perseveranter in Christum credituros, in laudem gloriose sua gratia.*

102. Quaritur hoc loco, an electorum numerus sit certus. *& infallibilis, an v. augeri ille, aut minui possit?* An numerus electorum numerum esse certum ac infallibilem, non v. fatalem. 2. Eundem augeri & minui potuisse, vel minui possit! Respondemus 1. Electorum numerum esse certum ac infallibilem, non v. fatalem. 3. Eundem numerum augeri & minui non potuisse, quoad infallibilem DEi præscientiam, quæ singula prout sunt & futura sunt, exactissime novit.

C 3

103. Fir-

103. Firmum n. stat fundamentum DEi, habens signaculum hoc, Novit Deus, qui sunt ejus. 2. Tim. 2. 19. Quod a. numerus iste non sit fatalis, probatur Matth. 3. 1. v. 21. Rom. 11. v. 23. Et sice si numerus iste electorum comparatus, ut quid jam salvi & beati sunt, damnari tamen aliquando potuerint: id quod suo exemplo Apostolus innuit 1. Cor. 9. 27.

104. Quod si factum fuisset, nunquam isti dici potuissent electi, quia perseverantia in fide caruissent. Vice versa qui jam in numero damnatorum sunt, salvari itidem potuissent: siquidem nullo fatali aut absoluto decreto è numero electorum sunt exclusi, si modò acta pænitentia in Christum credidissent.

Quæstio 2.
de libro vi.
105. Quæritiam hoc loco solet *de libro vita!* Liber
vitæ καὶ ἀρχὴ ποτάσσει DЕo tribuitur sensu Metaphorico, no-
tans æternam ipsius certam, infallibilemque noticiam, curamque
rerum & actionum humanarum omnium, quas singulas tam
exactè novit Deus, ac si libro essent inscriptæ.

106. Tres a. distincti libri DEo tribuuntur: *Unus est*
providentia universalis, sive gubernationis omnium crea-
turarum in cælo & in terra, de quo David Psal. 139. 16. Alter
& priori quasi subordinatus *est universalis iudicij*, de quo
Dan. 7. 9, 10. Tertius *est liber vita*, qui ipse tamen in scri-
pturis varius est. Nam Eccles. 24. 32. scriptura sacra liber vitæ
dicitur. Deinde liber vitæ propriè dictus, in quem relata sunt
nomina fidelium Apoc. 20. 12. Philip. 4. 3. Exod. 32. 32. Ezech.
33. 9. Dan. 12. 1. Psal. 69. 29. Apoc. 13. 8. Luc. 10. 20.

107. Liber ergo vitæ nihil est aliud, quam certa ac infal-
libilis Dei noticia, qua ab æterno novit eos, quos in Filio suo
ad vitam æternam elegit. Et differt liber iste vitæ à prædesti-
natione ipsa non nisi ratione. Nam supra prædestina-
tionem continet & addit agnitionem DEi.

108. Liber iste vitæ rationi est imperscrutabilis, per
Chri-

Christum v. apertus & revelatus. Unde ipse Christus dicitur
liber vitæ Philip. 4. 3.

109. Unus est liber vitæ, qui est Christus: gemina ta-
men est inscriptio in eundem. *Vna temporalis*, quæ fit in
baptismo. Galat. 3. 27. Rom. 6. 5. Hæc inscriptio deletioni est
obnoxia, eamque non vulgariter tantum credentes & renati tum
totaliter tum finaliter: sed ipsi etiam electi, verum totaliter
duntaxat, non a. finaliter experiri possunt, ut in Davide, Pe-
tro & similibus sanctis est videre. Deletionis hujus veritatem
expressit Christus Marc. 16. 16.

110. Altera *inscriptio est æterna*, quæ nihil est aliud
quam ipsa prædestination, & respicit non modo gratiam, sed &
æternam gloriam. Unde hæc inscriptio nunquam frustratur.
Rom. 11. 7.

111. Ex libro vitæ, in quem ab æterno electi sunt inscri-
pti, deleri non possunt, non quidem fatali aliquo decreto, sed
ratione præscientiæ divinæ, quæ novit Deus ab æterno, qui
nam in fide essent perseveraturi.

112. Discribenam namque accurate tenendum est inter elec-
tos & regeneratos: quia omnes electi sunt regenerati, sed non
contraria omnes regenerati sunt electi. Quia nimis electi sunt,
qui perseverant usque ad finem Math. 10. 22. c. 24. 13. Quidam
v. regenerati tantum ad tempus credunt, & deficiunt tempore
tentationis Luc. 8. 13.

113. Quæritur quid de his verbis Sculteti p. 1. Psalm post:
f. 65. 1. sit statuendum. Nun *GOT* ist der Richter aller
Welt/der oberste Herr/der über aller Menschen Leib und Leben zu
sprechen und zu urtheilen hat. Es wird für Ihm gestellt Cain und
Abel/Jacob und Esau/Saul und David/Judas und Petrus. Die
sind alle Sünden/haben alle verdient den sententz des ewigen
Todes. So ist Gott hier/und spricht ein solch Urtheil auf: Abel
sol leben/Cain sol sterben/Jacob sol leben/Esau sol sterben/Da-
vid sol leben/Saul sol sterben/Petrus sol leben/Judas sol sterben.
Wer will hie sagen/Gott ist ungerecht est.

114. R.

Discrimen
inter Elec-
tos & re-
generatos.

Quæstio 3.
de verbis
Sculteti.

114. v. Hunc in modum electio nulla facta est: Sic n. inanis promissionum universalitas redditia: sic universa electionis $\tau\acute{e}\zeta\iota\alpha$ est rupta & fracta: Sic piorum fides quoq; languida futura esset: & totus hic sermo superstructus est super absolutum decretum, cuius nullum extat in scriptura vestigium.

De certitudine electionis & perseverantie.

115. Disputatur porro inter nos & adversarios, an & unde de electione & perseverantia sua infallibiliter certi esse possint electi? Scultetus part. 1. Psalmp. f. 652. 653. sic docet. Viel Leute bezüchtigen vns/ als wenn wir die arme vnd von wegen der Sünde betrübte Menschen wiesen in den geheimen Raht Gottes/das sie darinnen forschen sollen / ob sie auch zum ewigen Leben von Gott auferwehlet seyn/ vnd darnach sollen sie erst an Christum glauben. Aber man thut vns hierinnen Gewalt vnd Unrecht. Wenn jemand wissen wil/ ob er sey zum ewigen Leben auferwehlet / dem heissen wir keines weges forschen in den geheimen Raht Gottes. Denn solch forschen were vergebens/vnd zu nichts anders als zur Verzweiflung/oder jazu eusserster Sicherheit vnd Ruchlosigkeit dienlich. Sondern wir weisen die Leute auff das geoffenbarte Wort Gottes/vnd sagen: Thue Busse/vnd glaube an Jesum Christum/ so bistu gewiß zum ewigen Leben auferwehlet. Denn das Wort Gottes/das da sagt/ alle die an ihm glauben/ sollen nicht verloren werden/kan vns nicht betriegen. Gläubstu nun an Jesum Christum/ vnd hast den ernstlichen fürsatz vnd fleiß ein recht bußfertig vnd unsträflich Leben zu führen/ so bistu gewiß ein Kind vnd Erbe des ewigen Lebens. Bißtu aber ein Kind vnd Erbe des ewigen Lebens/ so bistu auch darzu von Ewigkeit von Gott erwehlet/vnd darfst nicht weiter forschen.

Item part. 2. Psalmpost: f. 318. Wiltu wissen/ob du auch von Ewigkeit erwehlet seyst zum ewigen Leben/so musstu nicht von oben anfangen/vnd im verborgenem Raht Gottes forschen/ oder grübeln/sondern von unten mustu anfangen/ vom Glauben/ von der berufung: Untersuche nu dein Herz/vnd befrage es. Sehestu auch dein Vertrauen auff Christum Jesum? Hastu ihn auch von

Her-

Herken lieb/ hoffest vnd begehrest auch durch ihn selig zu werden? Hastu auch diesen Vorsatz ihm zu dienen/ vnd vmb seinent willen dem Nehesten gutes zu thun? Wenn du das bey dir befindest / so kanstu frölich schliessen/ ey weil mir denn Gott einmahl den Glauben gegeben hat/ so wirds ihm in Ewigkeit nicht gerewen. So bin ich denn ein auferwehler Mensch/ vnd werde auf Gottes Macht durch den Glauben bewahret werden zur Seligkeit.

116. Omnes haec nugae hoc pacto evertuntur. Calvinianus & Scultetianus talis est processus: Omnis credens est electus. Ego sum unus ex credentibus. Ergo ego sum electus. Minor debet probari. Interrogo igitur Scultetum, quidnam credat, vel credere debeat is, qui certus esse cupit de electione? Si respondet, credere se in Christum, redemptorem suum: peto ejus fidei fundamentum, hoc est, requiro verbum Dei, quo mihi monstrat, Christum esse suum Redemptorem. Quod solide demonstrare nunquam potest, dum tenet hypothesis particularis, quod Christus non sit pro omnibus hominibus mortuus, sed duntaxat pro quibusdam certis & singularibus personis, nimirum absolute electis.

117. Sic n. Petrus Molinæus in suaad synodus Dortrechtiensem epistola p. 407. disertè profitetur, propositionē hanc: **Christum pro se esse mortuum, omnes tenentur credere:** esse falsum. Adde Perkinsium lib: de prædest: in uno volumine operum pag: 137. qui Christum impiè & blasphemè vocat semi-Redemptorem. Vide etiam Piscat: thesin 109.

118. Pergo: Victoria nostra fides est i. Joh. 5. 4. 5. quæ est ex auditu verbi Rom: 10. 17. Verbo igitur vincendus est diabolus, eiq; fortiter resistendum in fide i. Pet. 5. 9. Vide totam armaturam hominis Christiani Ephes. 6. 10. seqq.

119. Quid v. de sua electione dubitanti in gravissima tentatione homini suggestum Calvinianus? Dicet tentatus: projectus sum à facie Dei, neq; ulla salutis spes mihi affulget, qui dubito, an sim electus vel non!

D

120. De-

120. Decretum suum absolutum negare Calvinianus non potest, quia pro eo acerrimè pugnat. Oportet ergo tentatum eò deduci, ut statuat, se non esse in numero reproborum, sed electum.

121. Qua v. arte illud consequetur Calvinianus consolator? Et qua demonstratione efficiet, ut tentatus credat, se pertinere ad classem absolutè electorum?

122. Si de fide querat; respondet tentatus, se non credere, neq; v. credere posse, quia non sit efficaciter vocatus, sed tantum externa voce ministri, ut sit inexcusabilis, & eò gravius puniatur. Huc faciunt blasphema verba Sculteti part. 1. Psalm: f. 64 1. Das aber Gott einem das Herz auffschleust/ den andern nicht/ einem den Glauben gibt/ dem andern nicht/ das selbige hat er nicht erst heut oder gestern bedacht / sondern er hats von Ewigkeit beschlossen. Vide ibid. plura. Hinc tentatus excipiet: ego non sentio fidem: DEus ab æterno decrevit mihi non dare fidem.

123. Interrogatus, annon verbum DEi amet, & aliquando crediderit, regeret, fuisse fidem illam temporariam, imò nullam fidem, quia ipse non sit in eorum numero, quibus DEus fidem dare decreverit. Nam neq; promissiones Electorum proprias ad se pertinere quicquam, neq; ipsum Christum, qui solis electis à DEo sit datus, pro quibus solis etiam satisfererit.

124. Si de vita queras: respondet tentatus, eam se moulem peccatorum sentire, ut fugiat iratum DEUM: quoniam in peccatis suis non senserit luctam Spiritus contra carnem, sed plenà totaq; voluntate & consensu perfecerit operacarnis: ideoq; concludit, sibi desperandum, quia DEus æterno absoluotq; odio ipsum reprobavit, destinaritq; fataliter æternali bus flammis.

125. Quicquid allatum fuerit de immensa gratia & misericordia, de Christi perfectissima satisfactione, & de Evange-

lij

lij promissionibus: Semper excipiet tentatus; absolutè electis ea efficacissimam afferre consolationem & læticiam, ad se vero planenihil pertinere, quia non sit electus.

126. Tandem si urgeat testimonium Spiritus Sancti, & illud est frustraneum. Quia quæ fides non nititur perspicuo Deiverbo, ea non confirmatur per testimonium Spiritus Sancti. Atqui fides de absolutè electione est talis. Ergo. Nimurum hi sunt fructus absoluti decreti! horribilis illius decreti Calvinus lib. 3. instituit: cap. 23. sect: 7.

127. Tandem miras movent Calviniani querelas de atrocí injuria, quando nostri Theologi docent, absolutum decretum viam sternere non solum ad desperationem, sed etiam ad securitatem carnalem, & januam aperiad multa peccata. An absolutum decretum viam aperiat ad securitatem carnalem?

128. Quas querelas hoc syllogismo reprimimus. Quis quis est de sua salute absolutè certus, in eo locum non habet timor & tremor. Electi juxta Calvinianos sunt de sua salute absolutè certi. Ergo in ijs locum non habet timor & tremor. Perge. Ubicunq; timor & tremor locum non habet, ibi nulla est solicita cogitatio de conservanda salute. In electis juxta Calvinianos timor & tremor locum non habet. Ergo ibi nulla est solicita cogitatio de conservanda salute.

129. Illud n. quod est absolutè necessarium, mutari nullo modo potest. Ergo talis perire non potest. Ergo talis non timet damnationem. Ergo talis in medijs peccatis retinet Spiritum Sanctum. Quæ omnia sunt absurdorum absurdissima.

130. Distinctiones Calvinianorum inter voluntatem Distinctio-
Signi & beneplaciti: DEus non vocat omnes cum animo
communicandi gratiam: DEus vocat multos, ut reddan-
tur inexcusabiles, imò ut magis indurentur. Non omnes,
qui vocantur, à DEo vocantur, sed quidam vocantur tantum
externè à ministro. DEus non omnes vocat efficaciter
DEus

D 3

DEus multos vocat **vocatione externa non interna**:
hæ, inquam, distinctiones sunt mera præcipitia ad desperatio-
nem, & cane ac angue peius sunt vitandæ. Vide eas apud zan-
chiūm de natura DEi lib: 5. cap. 5. part. 4. in refutat: sophism.
pag. 733. Piscatorem thesi 74. contra Schaffmannum: Calvin
lib: 3. Instit: c. 24. sect: 8. & 12. 13. Petrum Molinæum p. 412.

Coronis.

Augustinus lib: 6. hypognost: Tenenda est igitur inconcusse bujus disputationis regula, que divinis testimoniiis claruit, peccatores in malis propriis, an tequam essent in mundo, præscitos esse tantum, non PRÆDESTINATOS.

In respons: ad artic: falso sibi impositos: Omnia quidem hominum DEU creator est: sed NE MO ab eo DEO creatus est, ut pereat: quia alia est causa na scendi, alia pereundi: ut enim nascantur homines est beneficium: ut autem pereant, prævaricatoris est vitium. Vide Chrysost: de conversione Pauli: Ambros lib: 2. de vocat: gentium.

Semissis Calvinianus.

Semiredemtorem Christum gens ebria scribit
Publicitus, reprobis ebria tota dolis:

Semiyocata putans immensæ climata terra,
Illaq; per IESUM semiredenta putans.

Sed quæ semissis dicuntur alastore natis,

Hæc ex asse Dei pagina facta docet.

Semi-Theanthropum nobis super orbe relinquunt:

Semi-Sacramentum, symbola cassa, tenent.

Semidolosus eis amor est simulantis Iovz,

Quem ferat exterius, interiusq; neget.

Semivoluntatem fingunt, & semireiectam,

Semimalumq; DEum, semibonumq; Patrem.

Omnia blasphemæ! Sed eâ caligine mentes

Bezanæ Satanæ fuscat iniquus agon;

Vt sine luce Dei mysteria sacra legentes,

Vix ibi semissim mente videre queant;

Imo nihil: Nam qui semissim credit Iovam,

Nil illum penitus credere posse, reor.

J. Breverus Isle

FINIS.